

PHETHEHO

1 . . . Le ho lula mona ho rapela le lōna 'moho. 'Me joale pejana ho Molaetsa feela, mona kalaneng bosiusing bona ke tšoere motsoalle oa ka e moholo, Ngaka Lee Vayle, ho tsoa kerekeng ea First Baptist Lima, Ohio, e ne e le e mong oa batšehtesi ba ka kōpanong ea Lima. Ke mo kōpile, ho theoha bosiusing bona, haeba a ka bua lentsoe ho phutheho, mohlomong mabapi le kōpano ea Lima, motsots o latēlang kapa e 'melli. 'Me ke thabetse joalo, ke thabo ho le tsebisa bosiusing bona, Ngaka Lee Vayle, Mobaptise e mong ea nang le Moea o Halalelang.

2 [Moena Lee Vayle o bua metsots o leshome le metso e mene, a paka ka bongata bo folileng.—Mohl.] Amen. Molimo a u hlohonolofatse, Moena Vayle, le uena.

3 E ne e le matla bakeng sa molisa oa Baptise, e ne e se eona? Be, re thabile haholo ho ba le Moena Vayle. 'Me ruri menyako e buletssoe eēna ho khutla le ho re etela nako efe ha a khona. 'Me joale bosiusing bona . . .

Hosane bosiu ke e—e *Kepelo* ea Morena Jesu.

4 Sontaha hoseng ke tšebeletso ea hora ea botšeleta ea ha letsatsi le chaba. 'Me ke a lumela moena o tsebisitse karolo e tla latèla ea tšebeletso.

Joale a re rapeleng nakoana feela.

5 Morena ea bokoang, Lentsoe la Hao ke 'Nete, 'me re leboha monna ea Le tšoarang haholo, a sa tšabe letho, ba Le tlisetsa batho. 'Me ha re phetla Bibele bosiusing bona, kapa re phetla maqephe a Eona, Moea o Halalelang o bokoang o tle 'me o bulele kutloisiso ea rōna Lentsoe. Ka Jesu Kreste, re a e kōpa. Amen.

6 Bosiu bo boholo bona boo re bo ketekang, e leng ba thakhiso ea Morena oa rōna ea bokoang, ke lakalitse ho bala ho tsoa melomong ea Hae ka Sebele e theko e thata, Mantsoe A ngolileng Bukeng ea Hae. Ho Santa Mattheu, khaolo ea 4, re . . . le temana ea 47 le ea 48, re bala sena:

Hobane ha lōna le rata ba le ratang, lōna le ka ba le mopuso ofe? na balekhetho ha ba etse joalo le bona na?

Empa phethehang, joalokaha Ntata lōna ea maholimōng a phethehile.

7 'Me bosiusing bona re tsebisitse hobane re tla bua ka sehlooho sa *Phetheho*. Joale re . . . Thero e bonahalang e hlolla bosiusing ba thakhiso ea Morena oa rōna. Empa kajeno, mohlomong, haesale le mametse liea-le-moea, la utloa melaetsa e fapaneng le baromuo, kamoo ba hlasisitseng letsatsi le leholo leo le tšabehang mohla Morena oa rōna a na a shoela libe tsa lefatše. Ka hona ke khethile, bosiusing bona, ho pota ka tsela e fapaneng,

ho e finyella, e tle e fapane e le hore e le nchafatse hanyenyane. 'Me Moea o Halalelang o bokoang o bululele Lentsoe joale re sa ikemisetsa ho Le tlisa.

⁸ Molimo o hloka phetheho. Re batla ho e boloka kelellong, ha ho letho le ka 'moho feela le ka kenang ka pel'a Sefahleho sa Molimo. E tšoanelo ho phetheha, ho rapela ha rōna, ntho e 'ngoe le e 'ngoe.

⁹ Joale, tšimong ea Edene, Molimo o no o behile Adama le Eva tšimong. 'Me ba entse sebe 'me ba siteloa melao ea Molimo, ka ho etsa sebe, ho hloka kutlo. 'Me tlolo ha e fihla, ho hloka kutlo ke ho tlola molao. 'Me molao oa Molimo, erekaha A halalela, khalalelo e sa silafatsoang feela, ka baka leo ha ho letheba la ho hloka khalalelo le ka emang ka pel'a Sefahleho sa Hae. Ka hona, haeba sebe se tlie lefatšeng ka tlolo, sebe se tlameha ho tlosoa pele moetsalibe a ka ema ka pel'a Sefahleho sa Molimo.

¹⁰ Joale, molao ha o le sieo, toka ha e eo. Empa molao o ne o batlike, kapa, toka e batla molao. 'Me molao, ha o—ha o lihuoa, o hotolla toka.

¹¹ Joale, ha ho nama e ka bolokehang, ka molao. Joale, molao o sitoa ho re boloka. Molao e ne e mpa e le hona ho re hlahlelang chankaneng, o mpa o se na matla a ho lopolla. Molao o re supisitse feela hoba re baetsalibe, me o re ahlotsue. Molao o tlameha ho etsa hoo. Ke ho lihela tsuo, kapa ho u bontša moo molato oa hao o leng teng. Ka hona molao, ka boona, o sitiloe ho pholosa. O ne o ka qosa feela.

¹² 'Me Molimo, erekha o halalela o e na le toka, O ne o tlameha ho qosa. A tlameha ho qosa moetsalibe hobane o tšetse meeli ea mohau, 'me a fetohile moahi ea tlolang molao. Hape, o tlameha ho sebetsoa.

¹³ 'Me molao o mong le o mong o na le kotlo, hoba, kotlo ea ho tlola molao oa Molimo ke lefu. 'Me oa tlameha ho hlahisetsa morabe oa motho lefu. 'Me morabe ohle oa motho o tlas'a bohlanka ba kotlo ena ea molao.

¹⁴ Joale, mohla Adama le Eva ba entseng sebe, tsela e 'ngoe e ne e le sieo, ho se phekolo e 'ngoe ho ba emisa ka pel'a Sefahleho sa Molimo le ka mohla hape, ha e se ho sebetsana le sebe sena. 'Me ha ho mang ea ka etsang sebe sa mofuta ofe, ho sa tsotelehe bonyenyane kapa boholo ba sona, sebe seo bosona se tlameha ho hlekhoa pele moetsi oa sona a ka ema pel'a Sefahleho sa Molimo o Halalelang.

¹⁵ Ka hona, ka baka leo, mohla Adama le Eva ba entseng sebe 'me ba tlotse molao, e ne e le bahlanka ba lefu. 'Me molao o ne o tlamehe ho lihuoa, ka baka leo oa lihela morabe ohle oa motho tlas'a kotlo ea lefu. Joale holane re ka tsitsa metsotso e 'maloa feela joale, mohopolong oa rōna, le ho sheba setšoantšo se seholo sena, 'me le hopole hobane motho e mong le e mong mona o loheletsoe mona. Monna e mong le e mong le mosali, ngoana, o

loheletsoe kotlong ea lefu, ka baka la tlolo ea hlooho ea morabe oa motho, Adama; ka tlolo ea hae, e mong le e mong oa rōna ke phofu ea sebe.

¹⁶ 'Me sebe se tlameha ho hlekhoa. 'Me ka hona, Molimo, bokhoning ba Oona bo boholo joaloka mohlokaphello le leratong la Oona le leholo... Molao o ne o tla arohanya mosetsalibe le Moetsi oa hae; a ntano timeletsoa, le ho timeletsoa ka botlalo, ho se mokhoa oo a ka khutlang pele sebe seo se hlekhoa. 'Me ho ka ba bobewe ho lumela timeletso e tletseng ea moetsalibe qetellong, hoba eèna ka botlalo, o arohane le Sefahleho sa Molimo kamehla le mehla.

¹⁷ Joale lemohang sebe sena. Le kamoo Molimo, o lōkileng, 'me A ke ke a etsa letho haese ho lōka, hoba Ke mohloli oa toka eohle, ka hona A ke ke a etsa letho haese ho lihela kotlo ea tlolo ena. 'Me kotlo e ne e le lefu, hoba O boletse, "Mohla le se jang, ruri le tla shoa mohlang oo." Joale, mona re taka setšoantšo se lefifi.

¹⁸ Empa hola re ka khutla nakoana, ra sibolla eona menahano ea Molimo, Bibele e re bolella e hlakile e re "Molimo ke lerato." Empa koana, erekaha e le lerato, O tlameha a be le toka. Ka hona, lerato ha le bolelele ntho eo ho ka bapaloang 'me ha phathatsanoa ka eona. Lerato ke toka ea Molimo.

¹⁹ Joale, eitse hobane Molimo o bone bana ba Oona ba tlotse molao oa Oona, 'me ba tšoanelia ho shoa lefu, eaba lerato la borena le hata le kena le hlahisa tsela. Hoba, Molimo o bone bana bana ruri, ba tla timeletsoa ka botlalo hole le Sefahleho sa Oona. Ho ke ke ha hlola ho etsoa letho, hoba ba ne ba tlotse moalo oa Oona, 'me kotlo ea molao oa Oona e ne e lefu.

²⁰ 'Me eaba lerato la Molimo le phorosella bafo ba Oona. 'Me ha lerato la le Mokhethoa le phorosela, mohau oa borena o hlahisa molemo oa lerato. 'Me Molimo, ka boitsebelopele, e ne le mohla O ratileng morabe oa Oona hantle hakaale; koana, ka kotlo, O hlophisisit lefu la phapanyetso tšimong ea Edene. E ne e le ho re, O anantse sebopuoia se se nang sekoli, konyana e nyenyane e sa kang ea tseba sebe, 'me ea ema joaloka phapanyetso, ho sebetsa le ho shoela moetsalibe ea molato. 'Me e ne e le konyana, e hlabiloeng, ho baballa bophelo ba bafo ba Oona.

²¹ Hohle ho haola le Testamente ea Khale ba nyehetse mali a likonyana le lipöli, linku, lipoho le likhomo tse tšeħali, lefu la phapanyetso. Empa, hohle moruong o moholo oa Molimo, morao mohopolong oa Oona o moholo ho ne ho lutse Tlotla ea mannete e tlang ho tla, e neng e tla hlahha. Tseo e ne e le liriti tsa Tlotla ea mannete e neng e tla hlahha. 'Me Tlotla ea mannete e neng e tla fihla, e ne e le Mora oa Oona ea tsoetsoeng a inotši. Likonyana tsohle tse shoeleng e ne e le seriti feela. 'Me seriti e mpa e le lehlakore la neketifi ea sebele sa ntho. 'Me li buile feela ka Kalvari e neng e tla fihla.

²² Joale ho taka setšoantšo sa eona, a re phetleng Bibeleng tsa rōna, ho Buka ea Baheberu, le ho thonaka mona seo Pauluse, moapostola e moholo o a bua, ho leka ho re arolela lintho tsena. Khaolong ea 10 ea Buka ea Baheberu, re bala sena.

²³ 'Me ke rata Lentsoe feela! Lentsoe ke 'Nete. 'Me rata ho Le bala pel'a phutheho ea ka, hoba ke a tseba ke tla ema le bona kahlolong. 'Me ke tla tlameha ho ikarabela. Ka hoba haeba ke E ntša Lentsoeng, nke ke ka ba le molato; hobane Ke Lentsoe, 'me Molimo o jere boikarabelo ba Lentsoe la Oona.

²⁴ Re bona ho hongata hoo kajeno, baboleli le ba joalo, ba haha holim'a seriti. Oh, ke sekhobo seo! 'Me re a fumana, ha u kena likerekeng, re kena kerekeng 'me u fumana molisa ea itseng, haeba a itšoere ka mokhoa o hlollang, maikutlo a itseng. Ha u sa lemohe, phutheho eohle e tla nka moea oo. Ha e batla e le motho oa maikutlo, kapa a thefula hlooho ea hae, kapa a itšoere ka ho hlolla, be, kereke eohle e sala morao. 'Me re e fumana, kajeno, likerekeng tsa rōna tsa sejaole, hofihlela e le maikutlo le linthoana tse joalo. 'Me ke pherekano e kakang! Empa, oh, baena ba ka ba ratoang, haeba nako ea ho lula Lentsoeng e kile ea fihla, ke kajeno!

²⁵ Ua bona, ha ke batle ho ema kahlolong 'me ke tseba hoba nkile ka tšoara nthoana e feto-fetohang ea tšenolo e hlollang, 'me ka khelosa batho. Ha ke batle ha ba tšoaroa ke moea oa ka kapa mekhoa ea ka, empa ke ba batla ba ruile Moea oa Molimo ka Lentsoe la Molimo, le hlahisang 'Nete.

²⁶ Lebakeng le leholo lena bosiung bona, ke rata ho bala Lentsoeng la Molimo la Bohloleho. Joale rea lemoha hoba molao o phetse lilemo tse ngata, empa molao o sitiloe ho tlosa sebe. Joaloka ha ke boletse nako e fetileng, e ne e le ntlu ea chankana feela. E ne e le lefokisi le leholo le u ballang seo u se entseng, feela o sa tšoara leano la ho u lopolla. O u hlahlela ponoshopo, empa Molopolli ea u ntšang a le sieo, ka eona. O u hlahela chankaneng feela, ho u tsebisa hobane u moetsalibe. Empa joale lemoha ho Baheberu, khaolo ea 10, ha re bala.

Hobane molao erekaha o ne o na le seriti feela sa menono e tlang ho hlaha, e seng sebele . . .

²⁷ Hopola, e ne e le seriti sa setšoantšo se tlang ho hlaha. Seriti se tumisa se re setšoantšo se akhelang moriti se teng. "Seriti sa lintho tse tlang ho hlaha, 'me ha se setšoantšo sa sebele." Lemoha, "sa lintho . . ."

. . . sebele sa lintho, o sitiloe ruri ho phethisa ba tlang ka mahlabelo a hlahisitsoeng . . . selemo se seng le se seng.

²⁸ Joale, Molimo, tšimolohong, o hlokile phetheho. Jesu, mohla A tlileng lefatšeng, o itse, "Le phethehe, joalokaha Ntata lōna ea Maholimōng a phethehile." 'Me molao, e leng seriti sa lintho tse tlang ho hlaha, o sitiloe ruri ho phethisa morapeli. Na u tšoara

setšoantšo? Joale ha re khutleleng ho eona hape ho kholisa hore ha le e fose. Molimo o hloka khalalelo e phethehileng. Ha ho mang ea ka emang ka setšoano sa Oona, ka thojana e le 'ngoe ea sebe. Jesu o e pakile, le ho re, "Le phethehe, joaloka Molimo Leholimōng ha o phethehile."

²⁹ 'Me Bibebe e boletse, "Molao o sitiloe ruri, ka mahlabelo a ona, ho phethisisa ea tileng." Ka hona, molao o sitiloe ho phethisisa ntho efe. E ne e le tšupakhutlo feela. Mahlabelo ana, a hlahisoang selemo se seng le se seng, a sitiloe ruri ho phethisisa morapeli. Ka baka leo, ha ho mang ea tlas'a molao, kapa ea bolokang melao, kapa ea tlas'a liriti, ea na ka phethisisoa.

Hoba (temana ea 2) *hola ha ho joalo ha ke re a ka be a lesitsoe hore a hlahisoa?* . . .

³⁰ Hola nka etsa letho ho iphethisisa ka pel'a Sefahleho sa Molimo, ke moo Kreste a na a sa tlameha ho nchoela. Efèla ha u khona ho iketsetsa ntho e le 'ngoe, ho rekeloa letho ka pel'a Sefahleho sa Molimo, e ka ba Kreste o shoetse lefeela. Ha ho molao o ka bolokoang, ha ho menahano efe ea hao ea molao, ha ho khalalelo efe ea hao, u ke ke ua lesa ho etsa letho, ho lesa leshano, ho lesa ho utsoa, ho lesa ho tsuba koae, ho lesa litšoantšo tsa lipontšo, u sa ntse u lahlehile. Ha ho letho ho etsa hoo! Ho ingolisa le likereke, litloaelo, liboka, likolobetso, litaelo tsa kerekere, ho bala litumelonana, ho thothokisa merapelo, lintho tseo tsohle li ke ke tsa bolela letho. U lahlehile! Ha ho letho leo u ka le etsang ka sebele sa hao, hoba u moetsalibe ea tlas'a tsuo. 'Me ha ho bokhoni ba letho ho hang ka ho uena, kapa sehlomathiso sefe, kapa ntho efe eo u ka iketsetsang eona kapa ua e nahana, ka sebele sa hao, e ka u rekelang letho ka pel'a Sefahleho sa Molimo, hobane u moetsalibe le ho qaleng.

³¹ 'Me Bibebe e re tlaleha, bohle re tsoaletsoe sebeng, re bopetsoe bokhopong, re tlie lefatšeng re bua mashano. 'Me Molimo o be a ka sitoa ho nka motho e mong ho shoela e mong, hobane e mong o molato joaloka e mong. Ka pel'a Sefahleho sa Molimo, moarekabishopo ea tsoetsoeng lefatšeng lena o molato joaloka ntšintsi ea tamene e manyala a nyehlileng motseng. E mong a ke ke a phethetsa e mong.

³² Ha ho le joalo, O tlositse bophelo ba phoofolo e se nang sekoli, konyana e nyenyane. 'Me tlas'a Testamente ea Khale, tšobotsi ea molao, e ne re ha motho a sitiloe, o tlisitse konyana aletareng. Ha re re u tlotse o mong oa melao, o tlisitse konyana 'me a e robatse aletareng, a behe matsoho a hae holim'a konyana 'me a ipolele libe tsa hae, hore o ne a sitiloe 'me o itsebile a le molato. Oa . . . 'me o ne a . . . Molao o ne o qosa lefu. 'Me o tlisitse konyana e mo emelang. 'Me e ne re ha a . . . Qoqotho ea phoofotoana eo e ne e khaoloa, 'me e qala e rahaka maotoana a eona, 'me e lla. Ha u kile ua bona konyana ha e hlabjoa, ke sello se haulang seo! Nthoana ea batho e leka ho lla, athe mothapo oa eona o

hlahlathuoe. 'Me e a rahaka e a tlakasela, 'me a tlakalla, e boela e tlakasela e lla. 'Me mali a phorosela, e tolisa boeana ba eona le matsoho a morapeli.

³³ 'Me morapeli o a lemoha, ka bofebe ba hae, ka leshano la hae, ho utsoa, e ka bang molato ofe, kapa mohopolo o mobe, e ka bang bohashana bofe ba seriti, o ne a le molato, hobane e ne e le tlhaho ea hae. E ne e le motho ea molato, mohlomong e ne e se takatso ea hae, empa o ne a le molato ka tlhaho. 'Me a tlamehile ho lemoha hobane konyana ena e se nang sekoli e shoele sebakeng sa hae. 'Me o ne a utloela sephelinyana seo bohloko.

³⁴ Empa monna eo, qetellong hang hoba konyana e shoe, mali a konyana a sa ntse a netile matsoho a hae, o furalla moaho ka takatso eona eo pelōng ea hae, ea hae ea sethatong. Hobaneng? Hobane bophelo bo ka ho konyana e nyenyane... Bophelo bo maling. Bophelo ba hao bo maling a hao. Re tseba seo. 'Me bophelo bo maling a konyana e ne e le bophelo ba phoofolo, ka baka leo ha lielemente tseo li qhaqhoa 'me bophelo bo phorotseha phoofolong, bo sitiloe ho khutlela ho morapeli, hobane morapeli e ne e le motho.

³⁵ Mali a ne a khurumetsa, empa a sitiloe ho hleka ka ho phethehileng; hoba motho o tlohile moahong, ka eona takatso ea sebe, eona ea hae ea qalong. Empa, ka ho etsa sena, o ne a shebeletse mohla ho tla fihla Konyana e phethehileng. 'Me o e hlahisitse nyehelong ea secheso, hoba e le ona feela mokhoa a o tsebileng.

³⁶ Ka hona, u a bona, e ne re ha mali a phorosela, 'me bophelo bo tsoa phoofolong, bo sitiloe ho khutlela ho motho; hoba, e 'ngoe ke phoofolo, e mong ke motho; phofolo e se nang sekoli, ho motho ea molato.

³⁷ Empa, oh, tsatsi le leng, lilemo tse ka bang likete tse peli tse fetileng, Konyana ea Molimo e ne e tsoalloe tlase sejelong se se nyenyane sa Bethlehema, le ho isoa joaloka nku hlabong ea eona. Lilemo tse batlileng ho ba sekete le makholo a robong tse fetileng, thapama ena, ka hora ea borarō A shoa. 'Me ea se nang letheba, Konyana ea Molimo e se nang molato ea leketla sefapanong sa Kalvari le ho shoela moetsalibe e mong le e mong. Joale morapeli o atamela Konyana ena, ka tumelo! 'Me ena ke Konyana ea mofuta o fapaneng. Ha se Konyana e tšoanang le tse ling.

³⁸ Ha ho ea ka tlang ho Konyana ena, a sa huloe ke Ntate pele. Na le bona boikemelo ba Molimo? Oh, ke kholoa taba ena e thophothela ka botebo joale. Sheba. Molimo o tsebile o na le linku lefatšeng lena. O tsebile O tla ba le batho ba tla bolokeha, 'me lerato la Oona le nyaretse la bona ba batlang ho bolokeha; ka baka leo, ka ho tsebapele, O rerile Kereke ho köpana le Oona koana, e se na letheba kapa letsika. 'Me efela ha Molimo o batlie Kereke e se nang letheba kapa letsika, Oa na oa tlameha ho

fumana ntho e e hlahisang e eme joalo. O ka be o sa e batla, toka ea Oona, likahlolo tsa Oona li ka ba li sa O lumella ho kōpa ntho e joalo holane ho se mokhoa oa ho e hlahisa.

³⁹ 'Me motho ka ho eēna o a sitoa. Ke moholehi ka botlalo. Molimo o mo lumeletse ho bona hoo ka molao, ka baahloli, le ho haola le Testamente ea Khale eohle. O rometse baporofeta, O rometse monna ea lōkileng, 'me ba fumane e mong le e mong a hlolehile.

⁴⁰ Ka hona, Molimo, ka mohau oa Oona oa borena, o rometse, ho tsoa mekoallong ea Khanya, Mora oa Oona ea tsoetsoeng a inotši, ho nka sebaka sa rōna.

⁴¹ 'Me le hopole, holane Oa laela mopapa oa Roma ho e jara, a ka be a sitiloe ho e phethisa. Holane Oa laela moarekabishopo oa Canterbury ho e phethisa, a ka be a sitiloe ho e phethisa. Holane Oa laela ntate ea khetheleng ka ho fetisa kapa mobishopo oa oa lefatše, a ka be a sitiloe ho e phethisa. A ka be a hannie haholo hakaalo ka Judase Iskariota. A ka be a sitiloe ho e phethisa, hobane o "tsoaletsoe sebeng, o bopetsoe bokhopong, o tlie lefatšeng a bua mashano," 'me le eēna o hloka ho hlatsuoa.

⁴² Alleluia! Empa e Mong o theohile mekoallong ea Khanya; e se e mong, e se motho, e se motho ea lōkileng, e se Mojuda leha e le Molichaba. O ne a se katlasana ho Molimo o Matlaohle, o ipatileng nameng ea motho. O tlie, ka Sebele, ho nyehela Mali a Oona ka Sebele, hoba A sa tla ka bong. Bong ha bo a mana le eona ka letho. Empa O khurumelitse moroetsana, le ho hlahisa sele ea Mali eo O e hlolileng, ka Sebele, Ea se nang molato.

⁴³ Ka hona poloko ea ka, ea hao, bosiung bona, ha e likolohe mehloling ea liketso tsa rōna. E ile ea likoloha holim'a mohau o sa fanyeng oa Molimo o Matlaohle O re khethileng ka ho Oona. Ruri. Ruri nke ka phetheha, ruri le uena u ke ke ua phetheha. 'Me ha re itlalehe re phethehile. Empa re tšoere matšeliso a le mang ana, hore, tumelo ea rōna e phomotse Sehlabelong se phethehileng se seng se amohetsoe!

⁴⁴ Ka hona re tseba joang hore re fumana Hoo? Ha morapeli a beha matsoho a hae, ka tumelo, holim'a 'mele oa Morena Jesu, 'me a utloa khalefo ea sebe, le likhohlela tsa sesomo sefahlehong sa hae, a utloa mefehelo ea Gethsemane, mahlomola a Kalvari, le ho tseba hobane o molato, le ho ipolela libe tsa hae ka tšoanelo, "Oho Morena ea Bokoang, ke molato. 'Me ha ke na mokhoa o mong haese ho thusoa ke Uena. 'Me ka tumelo . . . U ntse u bitsa, Moea o Halalelang, o tlie 'me o ntaela ho tla. 'Me 'na joale, ka tumelo, ke amohela Jesu joaloka 'Moloki oa ka.' Bophelo boo bo tsoileng ho Eēna Kalvari, bo bitsoang Moea o Halalelang, bo nong bo patiloe seleng ea Mali a Morena Jesu, bo khutlela ho morapeli bo mo kolobetsa ka Moea o Halalelang, 'Meleng oa Kreste.

⁴⁵ 'Me O se a ahlotsoe. Ha u a tlameha ho belaela ka kahlolo. Ha ke phethoha ke sheba sefapano se se nyenyane seo, ke lemoha seo, hore se emetse 'mele oa Hae. 'Me joale 'mele oo o se o ahlotsoe. Molimo o ke ke oa o ahlola hape ka toka, hoba o se o ahlotsoe. Molimo o lihetse likahlolo tsa lefu holim'a 'mele oo. 'Me hola nka fumana mokhoa ho ipata 'meleng oo! Kahlolo ea Oona e lihetsoe sebakeng sa ka le sebakeng sa hao. Re lokōlotsoe! Baroma 8:1, e boletse, "Ha ho sa le tsuo joale ho ba le ho Kreste Jesu, ba sa tsamaeeng ka nama, ba mpa ba tsamaea ka Moea." Ke moo, ha ho sa le tsuo! Ha ke tsotelle se tlang kapa se tlohang, u patiloe tlas'a Mali.

⁴⁶ Hape, e be re kena joang 'Meleng oo? Bakorinthe ba Pele 12:13, e re, "Ka Moea o le mong!" Moea o fihla joang? Ka Sehlabelo. Moea o ne o lutse ho eng? Kahar'a Mali. Hobaneng phoofolo e sitiloe ho khutla? E ne e le phoofolo. Moea oa phoofolo o sitiloe ho khutlala holim'a moea oa motho ho o sebeletsa letho, hobane motheo oa moea oa motho o ne o le holingoana le oa phoofolo. Empa le joalo ha ho bophelo ba motho ofe bo nong bo ka khutla. Haeba u nkile moea oa moholo ea itseng, ke bonohe. Empa Molimo ka Sebele o tlie, hore Moea oa Oona ka Sebele, e leng motheo o phahameng ka ho fetisa oa moea o leng teng, o khone ho khutla ka sebopaho sa kolobetso ea Moea o Halalelang, ho morapeli, ka Mali a Kreste, le ho mo kenya 'Meleng. O bolokehile!

⁴⁷ Sheba. Mali a lipoho le lipoli a sitiloe ho sebetsa, kaha a ne a fokola. Joale a re qaleng re bale, nka re temana ea 12. Ke hantle. Mali a lipoho le a lipoli a sitiloe ho sebetsa, le joalo a sitiloe ho phekola. Sheba.

Empa monna enoa, (Monna ofe? Bishop? Che. Mopapa? Che.)...

Empa monna enoa, hobane a . . . hlahise sehlabelo se le seng ka baka la sebe, o ituletse ka ho sa feleng letsohong le letona la Molimo;

A lebeletse ho sa ntseng ho tla etsahala e leng hore bao e leng lira ho eèna ba beoe bonamelo ba maoto a hae.

⁴⁸ Na le itokisitse? Na le itokiselitse Lentsoe? Mamela Sena, ke batla E thophothele ka botebo. Sekeha tsebe.

Hobane ka sehlabelo se le seng (e seng selemo le selemo, e seng tsoseletso ka morao ho tsoseletso, e seng kópano ka morao ho kópano, e seng letsatsi ka morao ho letsatsi) . . .

Empa ka sehlabelo se le seng o sea p-h-e-t-h-i-s-i-t-s-e (ke bona ba entseng? O entse!) . . .

. . . ka sehlabelo se le seng o sea phethisitse (ke hloko ea Molimo eo) bao a ba halalelitseng.

⁴⁹ Ke moo. Ke eona karabo ea lefu la Kreste. Ke eona karabo ea Kalvari. Ruri Eèna, Mali a Oona ka Sebele, a lefeletse libe tsa rôna, le ho phethisisa kamehla, balumeli ba Oona. Ka baka leo, ka ho Kreste re eme re se na molato, re phethisitsoe ka pel'a Sefahleho sa Molimo o Matlaohle. Re batho ba tinngoeng monyetla, ka lithuto tsa rôna; bohole re rutuoeha thoe re tlameha ho nyolohela tulong e itseng, re tlameha ho etsa ho itseng. Che, moena oa ka, hase letho leo u le entseng; ke seo Molimo o le etselitseng sona! Rôna hona joale, haeba re beiloe ba lôkileng ka tumelo, re phethisitsoe kamehla ka pel'a Sefahleho sa Molimo.

⁵⁰ Hape Jesu o boletse, “Le phethehe.” Hape, e phethisitsoe kamehla. Molimo, ka lefu la Kreste, lilemo tse sekete le makholo a robong tse fetileng, kajeno, o phethisitse molumeli, eo O ‘moneng pele ho theoa lefatše, kamehla. ’Me bao O ba bitsitseng, O ba beile ba lôkileng. “Bao A ba tsebileng pele, O ba bitsitse; bao A ba bitsitseng, O ba beile ba lôkileng; bao A ba beileng ba lôkileng, O se a ba tlotlisitse.” O phethisitse balumeli ba Oona!

⁵¹ Joale sheba, a re khutleleng ho temana ea 1.

...molao erekaha o ne o na le seriti feela sa menono e
tlang ho hlaha, e sang sebele sa lintho tseo, o sitiloe ruri
ho phethisa morapeli ka mahlabelo a na hlahisoang ka
selemo se sang le se sang.

⁵² Sheba “phethisa,” ke seo re buang ka sona.

Hola ha ho joalo ha ke re ba ka be ba lesitsoe ho
hlahisoa? hobane morapeli ha ba se ba hlatsoehile ba tla
ha ba sa hlola ba na le letsoalo la sebe.

⁵³ Ebe u bolela’ng? Lentsoe *letsoalo* mono, ’me hlaloso e nèpileng, ka tsoanelo, ke “takatso.” ’Me ekareha motho a fihla, morapeli, ka nèpahalo, ka pel'a Kreste, a bona mahlomola a Hae, ’me a inehela ho Kreste, le ho re, “Oho Morena Molimo, ha ho letho ka ho ’na le ka hlatsoang, empa ke itsepisitse Uena ka botlalo,” ke moo Moea o Halalelang o kenang pelöng ea motho, eona potso ea sebe e batalalitsoe kamehla, hoba takatso e ‘ngoe le e ‘ngoe ea sebe e tlositsoe ho uena. Hoba hola molao o khonne ho e phethisa, mahlabelo ao a ka be a sa tlosoa; empa erekaha a sitiloe, Kreste a lôkela ho shoa, ho re phethisa.

⁵⁴ Metsoalle, re ka bolela lintho tse ngata haholo bosiusing bona, ka phetheho. Kamehla re leka ho honya mahlo a motho e mong, ho ikhalaletsa hanyenyane ho ba feta—ho ba feta. Empa hola re ka sheba setšoantšo, re seo re leng sona ka mohau oa Molimo o inotši.

⁵⁵ Mona nakoana e fetileng, koana Ohio, ke ithutile ka thata. E le ha ke tsoere kôpano tlase Ohio, ’me ke ne ke fihletse kantle nahathote. Ka baka la bongata, ka sitoa ho kena motseng.

⁵⁶ Esale re jela reshurenteng e nyenyane ea Dunkard. ’Me basebeletsi ba mono ba le batle ba rateha, ba apere ka

boitlhompho, ba hloekile hloeko ea bona, ba itšoere sesali hantle, ba re emetse. Seratsoana seo e ne e le leholimō, ho jela tulong e joalo. Kokoiisi ea bona e hlekiloe e k'hatsima. 'Me eaba ba koala Sontaha ba ea kerekeng ea bona. Eaba ke lapa hanyenyane, ke tla rera Sontaha thapama.

⁵⁷ 'Me ka tloha ka etela nthoana ea tloaelo...reshurente e nyenyanee feels ea tloaelo ea Amerika, ho tšoara se jeoang. 'Me ha ke kena monyako, ka utloang haese molumo oa mochini o mokolang! 'Me mono ho eme monna thaka ea ka, mohlomong e le monna ea nyetseng, a haretse mosali ka sephaka, a bapala mochini o mokolang. Ona molao oa rōna, tsireletso ea ho lōka ha rōna, ea lithepa tsa rōna, e pealletse mono e robaka seo e tlamehang ho se sireletsa. Hobane, ke tlolo ea molao ho mokola Ohio, ho bapala mochini o mokolang.

⁵⁸ 'Me ka retoloha ka sheba nqa motšeо ho moaho, teng e le mphi ea chacha e ncha, 'me lirekoto tsa rokon-rolo ea khale li noketsoe mochinining, li bapala. Mofumahatsana oa lilemo tse batlileng ho ba leshome le metso e robeli, a khahleha tlas'a seemo sa hae sa bosali. Empa a eme mono mose o nyehlile kapele, 'me e mong oa bashanyana bao a beile letsoho holim'a ngoanana, moo a sa tšoanelang. 'Me ba ntse ba tsuba 'me ba noa.

'Me ka nahana, "Oho Molimo, ebe U ka e mela joang?"

⁵⁹ 'Me ka sheba ho le letona la ka, ha ke utloa motho a hlile a lumaela. 'Me teng ho lutse mosali ea holileng, a ka ba lilemo tse mashome a tšeletseng, kapa lilemo tse mashome a supileng. A apere liaparoana tseo tsa khale tse manyala, li batla li khaola bokaholimo ba litho tsa hae, 'me nama ea hae ea khale e sosobaneng e leketla ka bokhoni ba eona feels. 'Me a tšasitse meikapo ona oa molomo, lephako la sefahleho le takiloe lebali le leholo le pherese, a ferefue; a roetse paranyana ea lietana, disandala, menoana ea maoto e le pherese, e ferefue; menoana ea matsoho e takiloe pherese, e ferefue. 'Me moriri oa hae o hlile o ponngoe o le bokōpa, 'me o hariloe mangetse, o kentsoe 'mala o boputsoa ba leholimō. 'Me ka mo shalima.

⁶⁰ 'Me ka nqane ho tafole ho lutse monna, ba babeli ba tahiloe. E mong oa bona (e ne e le lehlabula) a apere jase ea khale e boima ea sesole, a tšophile sek'hafo se sepusoa molaleng, 'me matšoala a ririellane hohle sefahlehong, a ntse a bohla. Me ba kōpa tšoarelō, monna eo, ho mosali, a qala a tsoa ka mokhoa ona, a ea phaposing ea boithusetso.

⁶¹ Ka ema mono. 'Me ka re, "Molimo, hobane'ng U sa falatse ntho eohle? Hobane'ng U sa e tebise tlas'a lefatše?" Ka re, "Na ebe Sarah le Rebekah oa ka ba tlameha ho holela tlas'a nyee e joalo?" Ka re, "U khona joang Uena, Molimo, khalalelong ea Hao e khōlō, ho ema u ela ntho e joalo hloko, 'me u sa romele thothomelo ea lefatše le ho le tebisa?"

⁶² 'Me eare ke sa eme mono, ke ahlola mosali, ehlide bo, ka chechella kamorao ho lemati. Ka utloa Moea oa Molimo o ntlela, 'me ka chechella kamorao ho lemati.

⁶³ Ha ke re mahlo tloha ka bona selō se ferella. 'Me pono, hoba e hlahe, lefatše la phethoha le bile le phethoha. 'Me ka bona, motoa o sekarelata o teetse lefatše hare, o pota lefatše. 'Me eareha ke fihla lefatšeng, ka ipona, ke le moshanyana feela, ke etsa lintho tse sa ntšoanelang; mohlomong e seng *joalo*, empa e ne e le sebe. 'Me nako le nako ha ke etsa selō, ka bona seritihali se setšo se nyolohela nqa Leholidō. Athe, Molimo o ka be o mpalaile motsotsong ona oo.

⁶⁴ Eaba ke bona ho ema lipakeng tsa ka le Molimo, ha ema Sehlabelo se phethehileng seo. Ka 'Mona a eme mono 'me meutloa e totometsoe hloohong ea Hae, le likhohlela li phalla sefahlehong sa Hae. 'Me nako le nako ha libe tsa ka li fofela nqa Molimo, A nanabele 'me a se tšoare, joaloka bampara ea koloi. O ne a ntšireletsa lefung. 'Me enere nako le nako ha ke sitoia, Molimo o ka be o mpolaile. Ruri, khalalelo ea Oona e qosa hona. Molao oa Oona o qosa hona. 'Me nako le nako ha ke etsa ntho, kapa u etsa ntho, Mali a Jesu Kreste a sebetsa joaloka bampara. 'Me ka bona hobane motoa o sekarelata o bolela hoo, ka hona, hore Mali a sa ntse a tšoere lefatše.

⁶⁵ Ha ke sa eme, ke shebile, ka Mo atamela ho se hokae ke sa Mo shalimile. 'Me ka Mo utloa a re, "Ntate, mo tšoarele, ha a tsebe seo a se etsang." 'Me ka sheba fatše, 'me teng ho robetse buka. 'Me Lengeloi le ngolang le eme mono, le eme lephakong la Hae. 'Me nako le nako ha ke etsa sebe, sa ngoloa bukeng. 'Me lebitso la ka le ngotsoe ho eona. 'Me ka lemoha tsatsi le leng, ke . . . motaka oo o Mali o tla tlosoa 'me ke tla lōkela ho ema pel'a Sefahleho sa Molimo, ka bophelo ba ka bo tletseng sebe. Empa, ka bona, hobane ka mohau oa Hae O ne a phoka kahlolo ea ka.

⁶⁶ Ke ile ka ea ho Eèna, ka boikokobetso. Ka khumama ka mangole, 'me ka re, "Oho Jesu, Uena Mora Molimo, ke motho ea se nang tokelo ka pel'a Sefahleho sa Hao. Empa na U tla ntšoarela seo ke se entseng?"

⁶⁷ A ama lehlakore la Hae ka letsoho la Hae, ho nka buka ea khale le ho ngola "lebaletsoe" holim'a eona, ho e lahlela morao ka morao ho Eèna, 'me libe tsa ka li ne li tlositsoe! Eaba O a ncheba, ka sefahleho se thata, A re, "Joale Ke u tšoaretse, empa u batla ho mo ahlola." Eaba ke bone seo e se bolelang.

⁶⁸ Hobo ke tsue ponong, ka mo atamela. Ka re, "U phela joang?"

⁶⁹ A ntse a noa. A ncheba, 'me a re, "Oh, helele."

Ka re, "Na nka lula fatše?"

A re, "Ke na le motsoalle."

⁷⁰ Ka re, “Ha ke bolele joalo, mofumahali. Ke batla ho bua le uena feela, motsotsso.”

A re, “U ka lula.”

⁷¹ ’Me ka re, “Mofumahali, metsotsso e ’maloa e fetileng feela, ha ke eme kamorao ho lemati lane koana...” Ka qala ka mo phethela. ’Me ka qala ka sheba, likeleli tsa qala tsa rotha marameng a hae. ’Me a mpolella... Ka re, “Mofumahali, ha u a ikemisetsa ho etsa lintho tsena. Jesu o shoele, ’me likahlolo tsa Molimo li lelekao ke Mali a Hae. Ha u a ikemisetsa ho etsa sena.”

⁷² ’Me o itse, “Che, monghali.” A re, “Ntate e ne e le motikone kerekeng. Ke holetse lelapeng la Bokreste. ’Na le mohats’ a ka re le litho tse feletseng, re phela bophelo ba Bokreste.” A qala a mpolella, kamorao ho lefu la hae... A e na le barali ba babeli, ’me a kheloha. Le kamoo barali ba mo ngalileng, ’me o lahlile bophelo ba hae. ’Me a hopola tšepo e se e mo timeletse.

⁷³ Empa ka re, “Molimo, e ba le mohau! ‘Bao O ba tsebileng pele, O ba bitsitse.’”

A re, “Na u Reverende Branham, ho tsoa tlase mane?”

Ka re, “Ke eèna.”

⁷⁴ A re, “Ke a itšoabela, ho lula mona ka tsela ena.” A re, “Na u hopola ke sa na le monyetla?”

⁷⁵ Ka re, “Jesu o saroletse liphaka tsa Hae, a u emetse ho tla, mofumahali.” ’Me batho ba qala ba phutheha. ’Me ka re, “Na u ka tsoela fulurung mona le ’na?”

A re, “Ke tla etsa joalo, monghali.”

⁷⁶ Ka mo tšoara ka letsoho. Ka re, “U batla u le thaka ea ’mè. Na u ka khumama mona le ’na, fulurung?” ’Me mono fulurung, ra qhaqha tulo eo thapama eo, ra e fetola tšebeletso ea mehla ea khale. ’Me Molimo oa pholosa mosali eo, ka mohau oa Oona. O ile a ikapesa a tla kópanong, ’me, ho ea ka tsebo ea ka, o phela bophelo ba Mokreste bosiuing bona.

⁷⁷ Ke eng? Oh, Molimo o batla phetheho! O batla pako ea hao. O batla botšepehi ba hao ho Oona. Empa O ntse a shebile bosiuing bona. Ho sa tsottelehe u entse sebe haholo hakae, hanyenyane kapa haholo hakae, u sa ntse u le moetsalibe, ’me u ke ke ua kena ka tsela esele haese ka Jesu Kreste, Sehlabelo sa Molimo se bokhoni-bohle. ’Me ka ho Eèna u phethisitsoe kamehla. E nahane! Hase letho leo u le etsang. Hase ho phetla maqephe a macha. Hase ho qala bophelo bo bocha. Ke maipolelo a phoso ea hao, ’me Molimo o a u tšoarella. Hoo ho a u phethisa, ’me u ntano phethisoa ka ho Jesu Kreste.

⁷⁸ Ke a tšepa, bosiuing bona, motsoalle oa ka, re sa le koano mona motsotsong o moholo ona o mahlonoko joale, liqeto li tšoanelo ho etsoa kamora ho utloa pale ena. U ka tšoha u sa e utloa pele. Empa u ke ke ua tsoa ho o mong oa menyako eo u le

motho ea tšoanang le ea keneng, u tšoanela ho tsoa u ntlafetse kapa u mpefetse ho feta.

⁷⁹ 'Me re sa inamisitse lihlooho tsa rōna nakoana feela, ke batla u e nahaniise ka matla. U reng ka moea oa hao bosiung bona? Jesu Kreste o u shoetse.

⁸⁰ U re, "Moena Branham, mohla nka khaotsang ho tsuba, ha nka khaotsa ho noa, ha nka lōkisa ntho e itseng, ke tla e etsa." Oh, e ke ke ea etsoa hantle le ka mohla. U ke ke ua khona ho e etsa le ka mohla. Hobaneng u sa tle u ntse u le joalo? 'Me, ka tumelo, u ee Molapong oo, o fepeloang ke maqeba a hao, lerato le lopollang e tla ba lepetjo la hao, e be lona hofihlela u shoele.

⁸¹ Hobaneng u amohela phapanyetso? Hobaneng u ka leka ho kena ka kereke ea hao? Hobaneng u ka leka ho kena kahobane o khaolitse ho noa kapa ho khaotsa ho bua leshano? Tloo ka tsela ea phethetho! "Hoba, ka Sehlabelo se le seng, O phethisitse kamehla ba hlatsoitsoeng."

"Ebe ke hlatsuoia joang?"

⁸² Ipolele libe tsa hao ka pel'a Sefahleho sa Mali a Jesu Kreste; 'me Bophelo bo tsoang Maling ao, bo khutlela ho morapeli, le ho mo hlatsoa litakatsong tsa lintho tsa lefatše. Hoba, ka Sehlabelo seo se bokhoni-bohle, O re halalelitse; Moea o le mong, re kolobeletsoe bohle 'Meleng o le mong. "Joale ha ho sa le tsuo ho ba leng ka ho Kreste Jesu, e leng ba sa tsamaeeng ka nama, empa ka Moea." Haeba u leka ho tsamea ka Moea, 'me le joale u ntse u lakatsa lintho tsa nama, Sehlabelo ha se eso u sebeletse ka ho lakaneng. Empa morapeli ea hlatsoitsoeng, ha a sa na takatso ea sebe.

⁸³ Eo e ne e le Kalvari. Hase tulo ea ho rekisa lipalesa, kapa tuloana ea ho etsa *sena* kapa *sane*. Ke nqalang eo Molimo le motho ba boelantsoeng teng. Ke nqalang eo khotso le tshireletso e phethethileng e tlisitsoeng ho bana ba batho. Na u ka ea le 'na, bosiung bona, motsoalle oa ka oa moetsalibe, ho ea Kalvari, le ho tlotsa Mali ana ka tumelo moeeng oa hao, le ho lumella Moea o Halalelang ho khutla le ho u halaletsa ka Sehlabelo se seholo sa Oona?

⁸⁴ Pele re rapela, na u ka phahamisa letsoho la hao ho Molimo, le ho re, "Nkhauhele 'na, Molimo. Ke ipolela joale libe tsohle tsa ka, bosiung bona ba Labohlano le Molemo. 'Me ke ananela mahlomola a maholo ao Kreste a utloileng ka lebaka la ka. 'Na joale ke nehela thato ea ka, merero ea ka le ntho e 'ngoe le e 'ngoe, ho sala Uena morao ho tloha letsatsing lena, ho ea pele." Na u ka phahamisa letsoho la hao, le ho re, "U nkhopole, Moena Branham, thapeleng. Ke eona qeto ea pelō ea ka eo"? Ana u teng, bosiung bo boholo bona, re sa ema nakoana feela? Ka letsohong le letona la ka mona, ruri e mong o teng kae-kae mono. Na u soabela libe tsa hao? Na u soabela seo u se entseng?

⁸⁵ Bosiung bona lefatše le batla bahale. 'Me le tšoere bahale, ha re bua ka nama.

⁸⁶ Tsatsi le leng koana Switserlane, mohla Switserlane ea maSwiss e ne e le maqakabetsing, moifonyana oa maSwiss o ne o phuthehile kantle lithoteng, ho sireletsas—sireletsas moruo oa bona. Lebothohali le khorohang le ne le ba imela haholo; bohle ba koetlisitsoe, ba kokositse marumohali le lithebe. MaSwiss a ke ke a etsa letho haese ho inehela. Ba ne ba patisitsoe thabeng. Eaba ho qatsoha mohale. Motho o ne a tlamehile ho shoa. 'Me le haeba ba lahleheloa ke ntoa . . .

⁸⁷ Ba sa tšoara letho haese mahare a khale a sekele, le majoe, melamu, ho loana. Athé, lebotho le hlaselang le tšoana le lerako la setene. Ha ba ka haptjoa, basajana ba bona ba ratehang ba tla rusulloa, banananyana ba bona ba tla rusulloa, masea a bona a bolaoc, lihlooho tsa ona li pshatluoe, malapa a bona a senngoe, ntho e 'ngoe le e 'ngoe e lahlehe.

⁸⁸ Eaba ho hlaha monna, eo lebitso la hae le lebaloang ka potlako, ea bitsoang Arnold von Winkelried. O ile a qatsoha, le ho re, "Banna ba Switserlane, kajeno lena ke tèlla Switserlane bophelo ba ka." A re, "Ka mose feela ho thaba eane ho na le lелапаньана le lesoue. Ke emetsoe ke mosali le bana ba bararō. Empa ha ba sa tla hlola ba mpona hape, hoba, kajeno lena ke tèlla Switserlane bophelo ba ka."

Ba itse, "U tla etsa'ng, Arnold von Winkelried?"

⁸⁹ A re, "Ntsaleng morao, 'me le etse ka bokhoni bohle ba ba lōna ka seo le se tšoereng."

⁹⁰ Eaba o sheba lebotho hofihlela a fumane moo marumo a leng matenya. Ebile o phahamisetsa matsoho a hae sebakeng, a khorohela lerakohali leo la marumo, a ntse a hooelelitse, "Tokoloho e hlekkeloe tsela! Tokoloho e hlekkeloe tsela!" Makholo ao a marumo a tobisoa ho khahlanyetsa khoroho ea hae; eaba o hlanola liphaka tsa hae 'me seholpha seo sa marumo a se totomela sefubeng sa hae, a mo thakhisa fatše, a shoela ntlheng ea marumo ao. MaSwiss ao a mo sala morao ka lithupa le ka melamu. Ponahatso ea bonatla bo joalo ebile ea tšerehanya lebotho leo, hofihlela maSwiss a ba qobokisa a ba tebela naheng ea bona. 'Me ha ba eso khutle ho tloha mohlang oo, haesale.

⁹¹ Ha u ema Switserlane o bitsa lebitso la Arnold von Winkelried, u tla bona marama a bona a kolla makhapha. Hobaneng? O na pholose naha ea bona. Ketso e kaalo ea mohale. E ka bapisoa ka seoelo, le joale ha eso fetisoe ke efe, lefatšeng lena.

⁹² Empa, oh, e ne e le nthoana papiso le se entsoeng tsatsi le leng! Mohla morabe oa Adama o emeng tlekelele, batemona ba hlasela ka makhalo ohle, baporofeta ba ne ba hholehile, molao o ne o hholehile, sehlabelo sa lipoho le likonyana se hholehile, tlhaho ea motho e ne e hholehile, ntho e 'ngoe le e 'ngoe.

'Me 'hlotšoana sa morabe oa Adama sa ema, se fekisitsoe; se phothongoe ke bodiabolosi, litumelo-khoela, maloetse, lipabo. E Mong o qatsohile Leholimōng, a re, "Kajeno lena Ke shoela morabe oa Adama." O tlide lefatšeng a etsoa nama. A sheba moo moriti oa marumo o leng motenya. Tšabo e lefifi-fifi ea ngoana motho e ne e le lefu, 'me O totomelitse lefu sefubeng sa Hae. 'Me mane Kalvari O lefile sehlabelo, 'me a hlabla mokhosi, "Tokoloho e hlekkeloe tsela!"

⁹³ 'Me O hlabela Kereke ea Hae mokhosi, "Le nke Sena seo Ke le sietseng sona, Mali a Ka le Moea oa Ka, 'me le loane ka sohle seo le se tšoereng." Re ka hlola bosius bona, ka ntho Eo, motoalle. U ka qobokisa diabolosi oa mo leleka ho uena. Sera se seng le se seng sa khale se kileng sa aha bophelong ba hao, se ka lelekhoa ka Mali le ka Moea oa Kreste, 'me u ka ema u phetehile ka pel'a Sefahleho sa Hae. Kreste o betlile tsela!

⁹⁴ Na u ka etsa nthoana ea ho Mo phahamisetsa letsoho la hao feela, le ho re, "Ntšoarele"? Molimo a u hlohonolofatse, moena. Motho e mong, "Nkhauhele, Molimo, 'na joale ke ipolela liphoso tska ka"?

⁹⁵ Na se teng setho se fofo sa lethapa la kereke letsatsi le leng le leng, e ka ba u ntse u leka ho ikhalaletsa ka bokhoni bo matla, empa u tseba mabifi le monyemo, le boitšepo, le littloaelo li u katella hofihlela u sa hape tlholo? Na u ke ke ua rata ho hlatsuoa ka Mali, bosius bona, nthong eo eohle? "Hoba morapeli ha a se a hlatsoitsoe ha a sa na letsoalo. . ." Na u ka rata ho phahamisa letsoho la hao, uena setho sa kerek? Molimo a u hlohonolofatse, mofumahali. Phahamisa matsoho a hao u re, "Moena Branham, khopole thapelang." Molimo a u hlohonolofatse, mofumahali. Ke hantle. Eo ke sebele sa. . . . Ke ntho ea sebele e ka etsoang eo. Molimo a u hlohonolofatse morao mono, monghali.

⁹⁶ Motho e mong phahamisa letsoho la hao, ho re, "Nkhauhele 'na, Molimo. Ke a tseba ke ipolela Bokreste, empa ha ke e phele. Ke itseba ke se joalo. 'Me ka pelōng ea ka, ruri ha ke a lōka nqa ho Uena. Ke batla ho ba e mong oa bakhethoa ba Molimo. Ke utloa pelōng ea ka ke le joalo, empa ha ke eso beelle meroalo e tšoasang feela kathoko. 'Me ke batla ho e beela kathoko bosius bona. 'Me, ka mohau oa Molimo, ke tla e phethisa. Nthapelle." Na u ka phahamisa letsoho la hao? Molimo a u hlohonolofatse, mofumahali. Motho e mong osele. Nakoana feela, re ntse re shebeletse.

⁹⁷ Re sa shebeletse ka khutso, e mong le e mong oa lōna o inamisitse hlooho ea hae thapelang, le ka binela sefela sena hasesane ka marameng joale.

Se teng Seliba sa Mali,
A montsoeng metsong ea Imanuele,
'Me ba'libe ba inoang tlas'a Hae. . .
Ba lahla koli eohle ea molato, ba lahla. . .

⁹⁸ Na u ke ke ua e nahanisisa hona joale feels? U se ke ua leka ho e hlatsoa. Kreste o letsohong la hao.

⁹⁹ Pilato o e lekile, hoseng hona, ho ella hora ea botšeleta; empa matsoho a hae a sa le mali, molato oa mali. Na le tseba se mo hlahetseng. O nyolohetse Switserlane, lilemo tse ngata hamorao, a lahleheloa ke kelello ea hae, a itihela letšeng la metsi a shoa. Hoseng hona, koana Switserlane, makholo a batho a tlie ho boha tema eo, metsi a boputsoa ba leholimō a tsapola matebong a mosima o moholo oo oa metsi. Ba etsa joalo selemo le selemo. Ke tšomo ea khale, ba re Molimo o hanne metsi ho hlatsoa matsoho a hae.

¹⁰⁰ Moena, ho sa tsottelehe bokaalo ba makhetlo o kolobetsoa, seo u ka lekang ho se etsa, ha ho letho le ka hlatsoang matsoho a hao kantle ho Mali a Kreste. Molimo o a hanne. 'Me metsi a boputsoa ba leholimō, kamorao ho lilemo tse likete tse peli, ha ho lekanngoa, a sa ntse a biloha. Molimo o e hanne. Ho lōka ha hao ho ke ke ha hlatsoa libe tsa hao. Ha ho letho haese Mali a Jesu feels! E nahane joale. Re t̄lil'o rapela, nakoana feels.

¹⁰¹ Ke a ipotsa na nka kōpa ntho bosius bona. Mohla A na eme mono holong ea Pilato ea kahlolo, hoseng hona, le ho re, "Hola 'Muso oa Ka e le oa lefatše lena, Nka bua le Ntate oa Ka 'me hang O be a ka romela ho 'Na Mangeloi a diligione tse leshome le metso e 'meli." Athe, le le leng la ona le ka timetsa lefatše. "Nka bua le Eèna, 'me Mangeloi a diligione tse leshomne le metso e 'meli a ka Nteela hare hantle." A ka be a entse hoo. Empa O ile a ema mono, ka mosa le boikokobetso, ho jara lefu la hao le ho nka libe tsa hao.

¹⁰² Na u ka ananela Sehlabelo seo ho lekaneng bosius bona, uena ea se hlokang, 'me u hloka mahlohonolo a Molimo, na u ka ema ka maoto a hao thapelang ena? Ema ka maoto a hao feels, uena u batlang ho hopoloa thapelang ena, ho re, "Molimo, nkauhele 'na. Ke molato, ke entse lintho tse phoso, 'me joale ke batla ho amohela teballo ea ka ka Kreste Jesu." Na u ka ema maotong a hao nakong ea joale? Molimo a u hlohonolofatse, mofumahali e mocha. Ke sebete seo. Tsoa u sa eme mono.

¹⁰³ U re u ka phahamisa letsoho la hao, 'me u sa u t̄sepahale ho lekaneng ho ema ka maoto a hao? Ebe Evangelie kile ea u etsetsa molemo ofe le hona? Oh, ho bapala kereke ho hokakang, ho bapala ka Molimo! Hora e atametse kapele, le leng la matsatsi ana bomo ea athomo e tla otla mona nqa e 'ngoe, e 'ngoe ea lipolantse tse khōlō tsena tsa mosili o qhomisang. Ho ke ke ha ba le sekheeqe sa motsotoana ho e nahana. Nako e tla be e tlotse, 'me mohlomong le pele ho Paseka e tla latèla, kapa esita le Paseka ena. Na u ke ke ua ema joale, ho re, "Molimo, nkauhele 'na, moetsalibe. 'Na joale ke amohela Kreste, ka nyehelo ea sebete sa Hae joaloka pheko ea libe tsa ka. 'Me ka mohau oa Hae, le mohau oa Hae o inotši, ke lula ka pel'a Sefahleho sa Molimo."

Na u ka ipolela phoso ea hao? Ea patang libe tsa hae a ke ke a atleha. Ea ipolelang sebe sa hae, o a hauhela. Ho ho uena. O ntse a shebile.

¹⁰⁴ Joale, Morena oa rōna ea Bokoang, kakaretso ea meeā e sokolohang bosiung bona e merarō, monna a le mong le basali ba babeli.

¹⁰⁵ Ke ntse ke nahanne, Morena, ka Kalvari, mohla e mong a bolellang e mong, ho re, "Morena, nkhopole ha U kena 'Musong oa Hao"; e mong o itse, "Ekare ha U le eēna, re bontše pontšo, re theole 'moho le Uena sefapanong." 'Me e mong o itse, "Molimo, nkauhele." 'Me eaba hlooho ea Hao e sokolohela ho le letona la sona, le ho re, "Kajeno lena u tla ba le 'Na paradeising." Empa Ua na ua ikhutsetsa nqa e mong, hoba ho ne ho se pako.

¹⁰⁶ 'Me, Ntate Molimo, ke rapella bana hore mohlomong ba tle ba . . . Ke tšepa e le bona feela ba bararō ka moahong, ba utloang ba hloka ho ipolela liphoso tsa bona. Empa hore ba tsamaile tsela eo ea bokhoni-bohle, ea tsela ea sefapano. Ba tšoarele, Morena, le ho ba hlohonolofatsa. Ba eme mona bosiung bona; joalokaha U kile ua ba emela, holong ea kahlolo ea Pilato; joalokaha U kile ua ba emela, lipakeng tsa Maholimō le lefatse, mohla letsatsi le ne le fifala le khoeli e hana ho khantša ngoeli ea eona, le lesira la tempele la hahoha ka lehare ho qala holimō ho isa tlase. Ke a rapela, Molimo, U tle u ba hlohonolofatse le ho ba abela mehauhelo ea Hao, le ho ba hloekisa ka Mali a Hao. Le ho ba kolobetsa ka Matla a Hao a halaletsang, 'Meleng oa Mora oa Hao ka Sebele, Kreste Jesu, ba tla sireletsoa ka nako le ka Bosafeleng. Hlohonolofatsa ba ikutloang ba lōkile, hore ba phethile sena le ho etsa joalo. Ke ba rapella lehlohonolo lena, ka Lebitso la Kreste. Amen.

¹⁰⁷ Molimo a le hlohonolofatse. 'Me lōna ba emeng haufi le ba ileng ba ema, ba nanabeleng le tsukutle matsoho, motho e mong, le ho re, "Morena a u hlohonolofatse," ke hantle, joaloka letsoho la bolekane.

¹⁰⁸ Re batla re siiloe ke nako litšebeletsong tsa rōna joale. Ba bakae ba ratang Morena Jesu, phahamisa letsoho la hao? Ke a ipotsa, ka khutso joale, kapa ka khutso ea bokhoni ba rōna, sehopotsong sa Eo e leng motlalahohle, Ea leng teng mona bosiung bona, hola re ka se binela tlase.

Ke sefapanong moo 'Moloki a shoeleng,
Teng ka llela hlatsuo sebeng;
Teng pelōng ea me (mohla u ne u phethisa,
 ho bea matsoho holim'a Sona), teng Mali a
 tlotsoa pelōng ea me;
Oh, ho tlotlisoe Lebitso la Hae!

A re se bineleng tlase joale, re sa inamisetsa lihlooho tsa rōna ho Eēna.

Tlase sefapanong moo 'Moloki a shoeleng,
 Teng ka llela hlatsuo sebeng;
 Teng Mali a tlotsoa pelōng ea me;
 Ho tlotlisoe Lebitso la Hae!

Ho tlotlisoe Lebitso la Hae, Lebitso le thata!
 Ho tlotlisoe Lebitso la Hae le thata!
 Teng Mali a tlotsoa pelōng ea me;
 Ho tlotlisoe Lebitso la Hae!

¹⁰⁹ Joale ka khutso, le inamisitse lihlooho. Lōna ba pholositoeng, e reng, "Oh . . ." Phahamisang matsoho a lōna joale.

Oh, Seliba se thata se hlatsoang sebeng!
 Ke thabile joang ha ke keng kahare;
 Teng Jesu oa mpholosa oa ntlhatsoa;
 Ho tlotlisoe Lebitso la Hae!

Ho tlotlisoe Lebitso la Hae le thata!
 Ho tlotlisoe Lebitso la Hae le thata!
 Teng Mali a tlotsoa pelōng ea me;
 Ho tlotlisoe Lebitso la Hae!

¹¹⁰ Joale ka matsoho a lōna a theohileng, lihlooho tsa lōna li inamisitsoe. Ke sa tsoa hopola; motho o letsitse nakoana e fetileng, 'me ho thoe motho o batla ho hopoloa thapeleng, ka lebaka la 'mele oa bona. Ha ba khona ho khutla kōpanong ea Sontaha bosiu, tšebeletsong e khōlō ea pholiso. Na le ka ema ka maoto a lōna, lōna le batlang ho hopoloa thapeleng eo hona joale feela?

. . . Mali a tlotsoa pelōng ea me;
 Ho tlotlisoe Lebitso la Hae!
 Ho tlotlisoe . . .

¹¹¹ Joale ka lihlooho tsa rōna tse inamisitsoeng. "A tetekoa ka baka la makhopo a rōna, a otloa ka baka la littolo tsa rōna, kotlo e re tlisetsang khotso e Mo oetse holimō, 'me le folisitsoe ka maqeba a Hae."

Ho bokoe Lebitso la Hae!

¹¹² Joale, Ntate ea Bokoang, hona joale feela re sa atamela sefapano ka boikokobetso, mohau le lereko li mphumane mono, teng Naleli ea Meso e Phatsimang ea chabisa maseli a Eona a nteeling hare. Bakuli bana ba eme ka pel'a Sefahleho sa Hao. Ba ntse ba lumela hona joale feela, hore ka tumelo, ba sheba mokokotlo o metopa oo, koana. "'Me ba folisitoe ka maqeba a Hae." Ntate ea Halalelang e Moholo, re tla re ipolela tumelo ea rōna, ho lumela hobane U folisa mebele ea rōna e kulang, ka mahlomola a maholo ao Morena Jesu a utoileng bakeng sa rōna. 'Me re hlahisetsa batho bana ba emeng, thapelo ea tumelo, eo U tšepeisitseng hoba e tla pholosa mobabi. 'Me rōna, 'moho, kōpanong ea bonngoe ba balumeli ba Hao bosiung bona. U itse,

“Moo ba babeli kapa ba le bararō ba phuthehileng, Ke tla ema lipakeng tsa bona.” ’Me re ba qella mohau, hore mohau oa Hao o ame moea oa bona o kahare-hare, ntho e tle e ankore tlase koana botebong; ba tle ba tsebe hobane Kreste o teng mona ’me o buile le bona, ho re, “Ngoana oa Ka, koana Kalvari Ke ile ka jara libe tsa hao. Joale lahlela meroalo eohle ea hao holim’ a Ka, hoba Ke a u tsotella.” ’Me ba ke ba fole, ka bottlalo, hoba re e kōpa ka Lebitso la Jesu. Amen.

¹¹³ ’Me ba sa lula fatše joale, motho ea haufi le bona, le ba behe matsoho, motho ea neng a ba rapella. Bibele e itse, “Ba tla beha bakuli matsoho; ba tla hlaphoheloa.” Morena a hlohonolofatse.

¹¹⁴ Haeba ke sa fose, na ha ke a sheba monna ea folisitsoeng mona matsatsi a ’maloa a fetileng, kapa Sontaha tse ’maloa tse fetileng, a le setholo kapa ho hong litsebeng? Ke a u bona u thabetse litšebeletsosu bosiusu bona. Na u nkutloa hantle hona joale? Ke botle. Ho a babatseha! Ema ka maoto a hao nakoana feela. Ba bakae ba mo hopolang a ne a le teng mona? ’Me o ile a fetisoa moleng oa thapelo, ho mo khutlisetsa kalaneng, ’me eaba Morena o a mo phekola o a mo folisa. Ho bokoe Morena! Ke a u leboha, moena, ka baka la bopaki ba hao. Bo ka hlahisoa ke ditosene! Empa na ha A babatsehel?

¹¹⁵ Joale, re batla ho le bona hosane bosiu, ka nako. Le Sontaha hoseng, ka meso. Sontaha thapama, ’me ha le ka khona ho khutla tšebeletsong ea pholiso ea bosiu ba Sontaha. Hofihlela re kōpana, na re ka ema ra bina sefela sa rōna se re qhalang, “Inkele Lebitso la Jesu.”

Inkele Lebitso la Jesu,
 Ngoana’ masoabi le tlokotsi;
 Le tla tla u thabisa le tselise... (Retoloha u
 tsukutle matsoho le e mong le e mong.)
 Le nke hohle moo u eang teng.
 Lebitso le ratoang, (retoloha u tsukutle
 matsoho), Oho, le monate!
 Tšepo ea lefatše le thabo ea Leholidō;
 Lebitso le ratoang, Lebitso le ratoang, Oho le
 monate! Le monate!
 Tšepo ea lefatše le thabo ea Leholidō.

Joale shebang ka mona.

Lebitso la Jesu ba inama,
 Ba namalla maotong a Hae,
 Khosi ea likhosí ’Holidōng re tla Mo tlotla,
 Ha ’eto la rōna le felile.
 Lebitso le ratoang, Oho le monate! Oho le
 monate!
 Tšepo ea lefatše le thabo ea Leholidō;
 Lebitso le ratoang, Oho le monate! Le monate!
 Tšepo ea lefatše le thabo ea Leholidō.

¹¹⁶ Joale le hopole k'hoaere ea Neville, k'hothete khasong hoseng, WLRP, ka hora ea borobong. 'Me ea Moena Stricker e hlaha ka mashome a mane a metso e mehlano ka morao ho robong, Sontaha hoseng. Ke ne ke mo hatisetsa teipi ea thapama ena, ea tsoho.

¹¹⁷ 'Me joale, hofihlela re kōpana hape, mahlohonolo a Morena a be le lōna, re sa inamisa lihlooho tsa rōna. 'Me ke tla kōpa motsoalle oa ka e moholo le moena, Moena Palmer, ho tsoa Macon, Georgia, haeba a ka qhala mokhupi ona ka polelo ea thapelo, ha re rapela. Moena Palmer. 

PHETHEHO SST57-0419
(The Perfection)
LETOTO LA TSOSELETSO EA PASEKA

Molaetsa ona ka Moena William Marrion Branham, o reriloe sethatong ka Senyesemane a Labohlano Le Molemo mantsiboea, 'Mesa 19, 1957, Branham Tabernakele, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org